

ՀԱՇՎԵՏՎՈՒԹՅՈՒՆ

ԱՌԱՋԱՐԿՆԵՐԻ ՆԵՐԿԱՅԱՑՄԱՆ ԵՎ ՆԱԽՆԱԿԱՆ ԳՆԱՀԱՏՄԱՆ ՎԵՐԱԲԵՐՅԱԼ

h/ h	Առաջարկի անվանումը	Առաջարկի բովանդակությունը (ներառյալ բյուջեն)	Առաջարկի կարգավիճակը • Ընդունվել է • Մերժվել է	Մերժման դեպքում՝ հիմնավորումը
1.	Սուեր բնակավայրում խաղահրապարակի կառուցում	<i>Սուեր բնակավայրի վարչական տարածքում 1-ին փողոց 27/5 հասցեում, առաջարկում ենք կառուցել խաղահրապարակ՝ նախակրթարանի սաների պարապմունքները արդյունավետ, հետաքրքիր և առողջարար դարձնելու նպատակով: Ցանկալի է՝ տարածքը ցանկապատել, կանաչապատել և տեղադրել համապատասխան խաղային պարագաներ:</i>	Ընդունվել է	
2.	Խաղահրապարակի կառուցում Կաթնաղբյուր բնակավայրում՝ երեխաների ժամանցն ապահովելու համար	<i>Կաթնաղբյուր գյուղի բնակչության, հատկապես երեխաների և երիտասարդների համար ժամանցային ենթակառուցվածքների բացակայությունը խոչընդոտում է ակտիվ և առողջ կենսակերպի խթանմանը: Երեխաների համար անվտանգ և հետաքրքիր ժամանցի վայրի բացակայությունը սահմանափակում է նրանց ակտիվության և սոցիալականացման հնարավորությունները: Միևուր Ասատրյանի անվան այգու տարածքը ներկայումս չի օգտագործվում նպատակային ձևով և չի ծառայում որպես բնակավայրի համար օգտակար վայր: Անվտանգ և հարմարավետ խաղային միջավայրի բացակայությունը նվազեցնում է երեխաների ակտիվ կենսակերպի և ֆիզիկական զարգացման հնարավորությունները: Բնակավայրի բնակիչների համար չկան ընդհանուր տարածքներ, որոնք կարող են նպաստել փոխհարաբերությունների ամրապնդմանը և համայնքային կյանքի ակտիվացմանը: Այս ծրագրի նպատակն է Միևուր Ասատրյանի անվան այգու տարածքում</i>	Ընդունվել է	

		<p>ժամանակակից, անվտանգ խաղահրապարակ կառուցելը, որը կդառնա բնակիչների կյանքի աշխուժացման կենտրոն: Խաղահրապարակը թույլ կտա երեխաներին ժամանցն անցկացնել որակյալ և անվտանգ պայմաններում: Այն կնպաստի երեխաների և երիտասարդների ֆիզիկական ակտիվության մակարդակի բարձրացմանը: Ծրագիրը կստեղծի բնակիչների, երիտասարդների, երեխաների համար ապահով և գրավիչ միջավայր՝ ակտիվ ժամանցի և սոցիալական շփման համար:</p>		
3	Կանաչ պուրակ	<p>Հարգելի ՏԻՄ անդամներ. Արագածոտնի մարզում գործող “Կայուն սոցիալ-տնտեսական զարգացում և կրթություն Լաբ” հասարակական կազմակերպության անունից ցանկանում ենք ներկայացնել մեր առաջարկը և հուսով ենք, որ կաջակցեք իրականացնել այն: Մենք ցանկանում ենք ներկայացնել մի կարևոր խնդիր, որն առկա է Թալին քաղաքում և խնդրում ենք հաշվի առնել մեր համայնքում մի նոր պուրակ կառուցելու մեր առաջարկը: Թալին քաղաքի Մյասնիկյան փողոցը և հարակից փարածքները բավականին խիտ են բնակեցված, սակայն փարածքում չկա ապահով փարածք, որտեղ երեխաները կարող են անվտանգ խաղալ և զարգանալ, իսկ մեծահասակները՝ անցկացնել իրենց ժամանցը: Կարևոր է նշել, որ չնայած Թալին քաղաքում վերջին շրջանում բարեկարգվել և կառուցվել են պուրակներ և խաղահրապարակներ, սակայն դրանք բավականին հեռու են գտնվում նշված փարածքից, և երեխաները ստիպված են խաղալ բաց փարածքներում, ինչպիսիք են փողոցները կամ կայանատեղիները, ինչը վտանգում է նրանց կյանքն ու առողջությունը, սահմանափակվում է նրանց սոցիալական ինտեգրացիան ու զարգացումը: Հետևաբար, այս հարցի լուծումը շատ կարևոր է ինչպես երեխաների ֆիզիկական առողջության, այնպես էլ նրանց հասարակական զարգացման համար: Մեր առաջարկը վերաբերում է այնպիսի պուրակի կառուցմանը, որը չի լինի միայն խաղային փարածք, այլ նաև հասարակական կյանքի կենտրոն, որտեղ երեխաները կարող են սովորել, խաղալ և միասին ստեղծել հիշողություններ, իսկ</p>	Մերժվել է	Տվյալ տարածքի ոչ խիտ բնակեցվածության և շահառուների քիչ քանակի պատճառով

		մեծահասակները՝ անցակցնել իրենց ազատ ժամանակը: Առաջարկում ենք պուրակը կառուցել ք. Թալին, Մյասնիկյան 3 հասցեի հարակից համայնքապարկան տարածքում: Մենք համոզված ենք, որ այս նախագիծը կլուծի մեր համայնքի առաջնային կարիքներից մեկը և կնպաստի մեր քաղաքի բնակիչների առողջությանը, բարեկեցությանը և կյանքի որակին:		
4	Թալին քաղաքում կամուրջների ամրացման և հետիոտնային անցումների կառուցում	Առաջարկում ենք քաղաքացիների անվտանգ տեղաշարժը ապահովելու նպատակով իրականացնել Կոմիտաս և Բարեկամության փողոցների վրա գտնվող կամուրջների ամրացման և հետիոտնային անցումների կառուցման աշխատանքներ:	Ընդունվել է	
5	Բժշկության արդիական մարտահրավերները և հնարավոր լուծումները	Արագածոտնի մարզի Աշնակ գյուղում չկան անհրաժեշտ միջոցներ որակյալ բուժսպասարկում ապահովելու համար: Գյուղում ունենք ոչ բարեկարգ վիճակում գտնվող բուժկետ և ցանկանում ենք բուժկետը վերանորոգել, ունենք սարքավորումների, դեղորայքի պակաս: Այս բոլորը խոչընդոտ է, որպեսզի անհրաժեշտության պահին համայնքի բնակիչները ստանան անհրաժեշտ բուժօգնություն: Բուժկետի վերանորոգումը թույլ կտա ապահովել համապատասխան հիգիենիկ պայմաններ և նվազեցնել վարակների տարածման ռիսկը: Ժամանակակից դիզայնը և գունային լուծումները նպաստելու են անձնակազմի և հիվանդների հոգեբանական բարեկեցությանը: Վերանորոգման միջոցով հնարավոր է վերափոխել տարածքը՝ այն ավելի ֆունկցիոնալ դարձնել: Բժշկական հաստատության աշխատանքի արդյունավետության և բնակչության համար մատչելի ու որակյալ բուժսպասարկում ապահովել	Ընդունվել է	
6	Սահադաշտի կառուցում թալին բնակավայրում	«Թալինն ումից է պակաս, օր սահադաշտ չունենա» այս թևավոր խոսքը գյումրեցիներինս է, ապրելով Թալին բնակավայրում, առաջարկում են կառուցել սահադաշտ, որը կնպաստի ձմեռային ժամանցի հեղափոխությանը	Մերժվել է	1.2ի համապատասխանում ավագանու սահմանած

		կազմակերպմանը: Նպատակը մեկն է ցույց տալ, որ փոքր համայնքներում էլ է հնարավոր կյանքը աշխուժացնել, կազմակերպել ձմեռային խաղեր, ցուցահանդես_տոնավաճառ, սառցե շոու: Հույս ունեմ որ անտարբեր չեք լինի և առաջարկը ձեր  _ի շնորհիվ կյանքի կկոչվի:		առաջնահերթությ ունենրին 2.Տեխնիկապես հնարավոր չէ իրականացնել
7	Ցամաքասար համայնքում Ֆուտբոլի դաշտի կառուցում և բազմաֆունկցիոնալ խաղահրապարակի ստեղծում	Համայնքի առկա հողատարածքը վերածել բազմաֆունկցիոնալ սպորտային դաշտի, որը կծառայի ֆուտբոլի, բասկետբոլի և վոլեյբոլի համար: Տարածքում տեղադրվելու են նստարաններ և ծառեր՝ բնակիչների հանգստի համար	Ընդունվել է	
8	Աշնակ բնակավայրում մինի ֆուտբոլի դաշտի կառուցում	Աշնակ բնակավայրն ունի 6-35 տարեկան 350 բնակիչ: Երեխաների և երիտասարդների ժամանցը ապահովելու, սպորտային կյանքը զարգացնելու նպատակով առաջարկում են Աշնակ բնակավայրում մինի ֆուտբոլի դաշտի կառուցում:	Ընդունվել է	
9	Խաղահրապարակի կառուցում Արագածավան բնակավայրում	Երկաթուղայինների թաղամասում, երեխաների համար խաղահրապարակի բացակայությունը խոչընդոտում է նրանց լիարժեք ժամանցին: Երկաթուղային ռելսերն ու մայրուղին , ինչպես նաև համայնքի կենտրոնից հեռավորությունը, դժվարացնում են երեխաների հասանելիությունը այլ խաղահրապարակի :Համայնքապետարանը պաշտոնապես տրամադրել է տարածքը ,որպես խաղահրապարակ ,այն մաքրել է աղբանոցից:Այս հասանելի և հիանալի տարածքը '25\25 մակերեսով, թաղամասում կդառնա իրական հրաշք փոքրիկների համար ,համայնքապետարանի աջակցությամբ: Խաղահրապարակը ապահովելու է անվտանգ ու զարգացնող միջավայր: Շնորհակալություն:	Ընդունվել է	
10	Կաքավաձոր բնակավայրում մինի ֆուտբոլի դաշտի կառուցում	Կաքավաձոր բնակավայրում չկա համապատասխան տարածք, որտեղ կարող են երեխաներն և մեծահասակները զբաղվել սպորտով: Որևէ մեկի համար գաղտնիք չէ, որ անկախ տարիքից շատերի սիրելի մարզաձևը	Ընդունվել է	

		<p>Ֆուտբոլն է: Սակայն ներկայիս ֆուտբոլի դաշտին տրամադրված տարածքը գտնվում է անմխիթար վիճակում, ինչի պատճառով հնարավոր չէ կազմակերպել որևէ մարզական միջոցառում կամ խաղ: Ֆուտբոլի դաշտ ունենալը կնպաստի՝ 1. Որպեսզի տղաները և աղջիկները ֆուտբոլով ավելի լուրջ զբաղվեն, որը կխթանի մարզաձևի զարգացմանը դեռահասների և երիտասարդների շրջանում (նշենք, որ համայնքում նաև գործում է աղջիկների ֆուտբոլի թիմ) 2. Բազմաթիվ ֆուտբոլային և, առհասարակ, մարզական միջոցառումների կազմակերպմանը, ինչը կկարողանա միավորել տարբեր համայնքներ՝ նպաստելով նաև տուրիզմի զարգացմանը: 3. Կօզնի, որ համայնքի բնակիչների ժամանցն ավելի հետաքրքիր և հագեցած ձեռով կազմակերպվի: Սպորտը առողջություն է, իսկ ֆուտբոլը մեծ մասսայականություն ունեցող մարզաձև է, հետևաբար շատ կարևոր է, որ նպաստենք վերջինիս զարգացմանը մեզ հարազատ միջավայրում, իսկ դրա համար առաջին հերթին գեղեցիկ և անվտանգության պայմաններին համպատասխան ֆուտբոլի դաշտ ունենալն է:</p>		
11	<p>Արտենի բնակավայրում մինի ֆուտբոլի դաշտի կառուցում</p>	<p>Արտենի բնակավայրի «Առողջության կենտրոն» ՊՈԱԿ-ի հարակից տարածքում առաջարկում ենք կառուցել մինի-ֆուտբոլադաշտ: Ֆուտբոլադաշտի կառուցմամբ նպատակ ունենք բնակավայրում խթանելու երիտասարդների ակտիվ ու առողջ կենսակերպը: Երիտասարդների ֆիզիկական դաստիարակության առաջնային խնդիրը կայանում է նրանց ֆիզիկական պատրաստվածության պահանջների կատարման մեջ: Հաշվի առնելով երիտասարդների շարժողական պատրաստվածության դինամիկական տարբեր տարիքային փուլերում՝ անհրաժեշտ ենք համարում ստեղծել այնպիսի միջոցներ, որոնցով կնպաստենք երիտասարդների ֆիզիկական պատրաստվածության բարձրացմանը, ինչպես նաև կապահովենք երիտասարդների ժամանցը և կզարգացնենք սպորտային կյանքը:</p>	<p><i>Ընդունվել է</i></p>	

12	Ներքին բազմաբերդ բնակավայրում մինի ֆուտբոլի դաշտի կառուցում	1960- ական թվականներից մինչ այսօր ֆուտբոլը Ներքին Բազմաբերդ բնակավայրում դարձել է պատանիների և երիտասարդների սիրած սպորտաձևերից մեկը: Խաղահրապարակ չունենալու պատճառով բազմաբերդցիները ֆուտբոլ խաղում էին ցորենքաղից հետո ծղոտով լցված արտերում, և միայն 1991 թվականին հատկացվեց գերեզմանոցին կից տարածք՝ ֆուտբոլ խաղալու համար : Ներքին Բազմաբերդ բնակավայրի բնակիչների ցանկությունն է, որ ունենան բարեկարգ խաղահրապարակ, որպեսզի այնտեղ անցկացնեն ֆուտբոլային խաղեր: Ներկա և ապագա սերունդների համար այն դարձնեն սպորտային միջոցառումների անցկացման վայր՝ բարձր պահելով երբեմնի փառքի արժանացած Բազմաբերդ գյուղի և իր ֆուտբոլային թիմի երախտավորների պատիվը:	<i>Ընդունվել է</i>	
13	Ագարակական բնակավայրի մշակույթի տան վերանորոգում	Մեր խնդրանք-առաջարկն է վերանորոգել Ագարակական բնակավայրի մշակույթի տունը:	<i>Ընդունվել է</i>	